

BOSNA I HERCEGOVINA
FEDERACIJA BOSNE I HERCEGOVINE
SREDNJOBOSANSKI KANTON / KANTON SREDIŠNJA BOSNA
KANTONALNO TUŽILAŠTVO / TUŽITELJSTVO TRAVNIK
Broj predmeta: T06 0 KT 0033885 23
Travnik, 09.05.2025. godine

OPĆINSKI SUD U JAJCU
- Sudiji za prethodno saslušanje-

Na temelju odredbe člana 45. stav 2. tačka h) i člana 241. stav 1. Zakona o krivičnom postupku Federacije Bosne i Hercegovine, podižem

OPTUŽNICU

Potvrđena dana 16.05.2025.godine

Protiv:
K. B. (1995)

Što je:

Tokom mjeseca februara 2023. godine, u Jajcu, Općina Jajce, u namjeri pribavljanja protupravne imovinske koristi, lažnim prikazivanjem činjenica doveo u zabludu Ž.S. i time ga naveo da na štetu svoje imovine uplati novčani iznos od 400,00 Eura uz troškove transakcija novca u iznosu od 32,00 Eura preko Western Union transakcije, na način da je putem objavljenog oglasa o zapošljavanju radnika francuske firme „EURL SZ“, sa sjedištem u gradu Chalon u Francuskoj, vlasništvo Ž.S., na Internet stranici „bika.net“, te putem mobilne aplikacije „WhatsApp“ lažno mu predstavio da je u teškoj finansijskoj situaciji zbog čega ne može platiti troškove putovanja ka Francuskoj, obećavajući da će zasnovati radni odnos u istoimenoj firmi, svjestan da novac neće vratiti i da nema namjeru ispuniti prethodno dogovorene obaveze vezano za posao i htijući to, pa kada je oštećeni u zabludi uplatio gore navedeni iznos, prekinuo svaku komunikaciju sa oštećenim Ž.S. čime mu je pričinio materijalnu štetu u iznosu od 432,00 Eura, odnosno u protuvrijednosti 845,00 KM.

Dakle, s ciljem da sebi pribavi protupravnu imovinsku korist doveo oštećenog lažnim prikazivanjem činjenica u zabludu i naveo ga da na štetu svoje imovine što učini,

Čime je počinio krivično djelo Prijevare iz člana 294. stav 1. Krivičnog zakona Federacije Bosne i Hercegovine.

U skladu sa odredbom člana 114. Krivičnog zakona Federacije Bosne i Hercegovine od osumnjičenog se oduzima imovinska korist pribavljena krivičnim djelom u iznosu od 432,00 Eura, odnosno u protuvrijednosti 845,00 KM.

Poštovani predstavnici medija, molimo Vas da prilikom prenošenja vijesti imate u vidu da osobe na koje se odnose vijesti i informacije iz Kantonalnog tužilaštva Travnik, imaju status osumnjičenih ili optuženih osoba. Podsjećamo na načelo presumpcije nevinosti koje definiše da se niko ne može smatrati krivim dok mu se krivica ne dokaže pravosnažnom presudom.